

第五十九號
禮拜日

二十册共價大洋三元二角

本報要目

●十一月十四日第五十九號●
論說▲論女學(續前稿)
譯件▲日本煙草專賣法(六續前稿)
要件▲直隸山東江蘇留學生再上政府及三省督撫書(續)
要聞▲駐美公使電告華工禁約事△俄使之言△粵督請每年認解練兵經費四十萬兩△滇越鐵路經過州縣請改為衝要缺△請以廣西慶遠理苗同知移駐五十二峒
各省新聞▲德人擬開雷州海山嶺產△楚報案最近消息
各國新聞▲韓國一進會之宣言
奉議▲政務處奏通守護章程摺

論說

論女學(續前稿)

夫所謂女學之辦法者亦有數端。
一學格之宜寬也。凡事當創始之初。苟立格過嚴。則應之者其數無多。其勢必難於普及。國家既重興學之典。有志求進者。男女固各有同情。乃或迫於材力之不能。或限於年齡之不合。斯其途太隘。則所被亦窮矣。使各就其質地之宜。得以分門而肄業。則急於生計者。俾致力於染織蠶桑之實業。為工藝學之作用焉。可為保母者。俾從事於管理教育之淺法。為幼稚園之預備焉。雖其年少。其質不聰。而節縮其卒業之期。簡直其教授之理。則致學既易。而收效亦良。即使內困於身家。亦可勉強以相就。不獨無向隅之憾。且可為營活之資也。是學格之宜寬者一。
一學級之宜分也。朝廷定制。由縣而府而省會而京師。學堂之程度。皆隨地而高。無非誘人而趨之上達。女學創興之始。即限以齊同之知識。而無所優異之時。則淺近者安之。而高明者阻之矣。故降其格。以待年力不合之婦人。異其等。以待年力方強之女士。且女子之有學。自教習以至經理諸員。舉必以女為之。而後生徒之集。始免於嫌疑之見。而信以相從。今使明等差。一如男子之例。則今日之進階。既格違初等。中等高等之程。無越乎其序。將來之為用。即推廣小學中學大學之設。不患乎無師。女子知其所學之境之無窮。所學之用之甚大。則願力相副者。斷不致苟安於目前矣。是學級之宜分者又一。
一學科之宜審也。女子之性質。與男子不同。女子之能力。亦與男子各異。授受之際。苟所學非所用。則授者為無功。所學非所能。則受者為無益。故科目之訂定。必視女子之所宜。而

後施之為有濟。我國女子之舊習。除女紅而外。皆以為非分之為。故體育不講。而生子遠弱。衛生不講。而天札益多。書不講。而家計日拙。即德育一端。亦止以順從所天。為全節保身之大要。而關於社會國家之公德。則盡付闕如。此皆我女教相沿之弊也。誠能即體操衛生書算諸科。加以注重。兼涉平輿史。旁及於女紅。而倫理一門。尤教以國家社會之所關。女子亦有當然之職務。則所造者廣。不獨為一人一家之私幸。實中國強弱之一大轉機也。是學科之宜審者又一。
一學位之宜定也。力學之苦。男與女既同。其功干進之心。男與女亦同。其欲國家以學堂取士。而出身之路。仍沿科舉之名。獨女學一途。則闕焉而莫之或講。其何以為觀感之助乎。況以日本之成事言之。澤田唯子有眼科論文之著。而文部請授以醫學博士之稱。即我國趙東之。亦有考試所學。授以儒人之職。是學位之設。古今中外。固有同軌也。且我國命婦。率皆妻以夫貴。故九品之制。自夫人淑人以至恭宜安福等號。國恩所及。舉無不其。其無不受賜之封。而竭十年辛苦者。雖得一畢業文憑。而卒無一官之賜。其亦不平之甚矣。故欲為勵學之資。莫若視其所入何校。所習何科。待其畢業已成。酌量而定。以名位。當不獨為巾幗之幸。抑亦邦國之光也。是學位之宜定者又一。

據是以觀其關係如此。則女學之興。固不容以少緩矣。其辦法如此。則女學之興。亦可知所從矣。吾不敢謂吾言之盡當。而要其大綱固不能外也。願我國之女界知之。願我國之辦女學者知之也。(前)(已完)

譯件

日本煙草專賣法(六續前稿)

第五十三條 違背第三十一條之第二款者。科以二元以上二十元以下之罰。購買煙草者同。
第五十四條 援照第三十二條之例。購運煙草入口者。使將運入之煙草。轉售與人。則科以五元以上百元以下之罰。煙草入口者同。
第五十五條 違背第三十三條者。科以五元以上百元以下之罰。知情而故將屋宇供與儲藏者同。
第五十六條 凡持有未經許可而擅自種植煙草。或種植之煙草。與非種植煙草者。所育成之煙苗者。以及持有來歷不明之煙草者。皆科以十元以上五百元以下之罰。煙草入口者同。
第五十七條 違背第三十四條第一款之煙草。或持有之。或出售之。或收買之。其在販賣煙草者。則科以百元以上千元以下之罰。其在非販賣煙草者。則科以十元以上三百元以下之罰。煙草入口者同。
第五十八條 私自製造煙草。與為製造之準備者。皆科以百元以上千元以下之罰。煙草入口者同。以及製造器具。機器。紙張。

要件

直隸山東江蘇留學生再上政府及三省督撫書(續)

(六)每華路一里合華銀三萬七千兩之多。若合五十年利息計之。每里至十二萬九千五百兩之多。
第二條此路約長九百八十二里。總需達華銀一千八百八里。按由天津至鎮江計。官路二千二百餘里。今彼誤以為一千八百八里。故借款僅七百四十萬磅。若測量得實。則必謂此款決不敷用。而增加借款。茲不暇辨。里之長短。姑以一千八百八里計之。按今日通行路費。平均計算。每一里合銀一萬兩。若照七百四十萬磅。核算。每華路一里。需銀四千一百一十磅。折合華銀三萬七千兩。是兩倍半於通行路費。若積五十年利息。一萬六千六百五十兩。兩計之。本利合算。每里需銀十二萬九千五百兩。是十二倍於通行路費也。故今日廢約自辦。則以萬兩造一里。借款造路。則以十二萬九千五百兩造一里。以十二萬九千五百兩一里之鐵路。亡國滅種之禍。吾有以知當局之必不此出也。
(七)偷路費不敷。連合公司可逕行續發債票。毫無限制。第十五條造路期內。所有分次借得之債款。以及連合公司應付利息等項。內除去管理公債利息。事務應需費用外。如餘款不敷。築路時應准由連合公司續行發售債票。以補不足。
按借款至七百四十萬磅。無論辦理事務。所需經費。若何浩繁。萬無不敷。造路之理。今乃借造路不敷。名為續發公債。地步是直欲於辦事經費內。種種浮銷。種種浪費。造路費不足。則多發公債。以補之。倘中國諸問。彼即停工。挾制淺言之。則以中國政府之借款。供辦事人員之揮霍。實言之。則實欲中國負無窮之債。償清之期。而彼即永遠占此鐵路也。粵漢鐵路之事。合興公司浮開賬目。可為前車之鑒。然合興雖種種無理。尚不能因造路不敷。而續發公債。今連合公司續發公債。並不請於中國政府。並不商於督辦大臣。無論不足若干。皆可逕行續發。中國政府於此。豈尚有絲毫主權耶。且發行公債。必由我督辦或使臣簽字。
第十條債票。在中國則由督辦大臣簽印。簽字。在歐洲柏林倫敦。則由中國各出使大臣簽印。簽字。以示中國擔任此項債務之責。
既不待中國政府之允許。則督辦簽字。使臣簽字。直連合公司一辦事人員。耳設續發公債。至數十百萬磅。或等於七百四十萬磅。中國政府即知其不可。亦有何法以制之。已

ANNOUNCEMENT.

We have the pleasure to announce to our foreign friends and our English speaking countrymen, that after some days, we shall have our news and speeches published in the English language, inside of our daily Chinese papers.

請看請看

借之款。任其廢費不足之款。任其濫借。愈多愈積。愈重。極其究竟。終非我有此真領。而外亂。可為駭怪者也。
(八)借票如何。發售。悉聽連合公司之便。中國無權過問。第十三條此項公債。發售之法。或合一次。或分數次。悉聽連合公司之便。但與中國利害有關之處。應當格外注意。
按中國之利害。即不得聽連合公司之便。聽連合公司之便。即不能顧中國之利害。二語。混合。已屬自相矛盾。夫連合公司代中國借債。不過居於經理人地位。享中國之特權。受中國之規費。而於最重要之發售債票一事。竟可自由。作主。以尋常借貸言之。天下亦安有此等荒謬之理。借票分期。發售。為正當辦法。今加入一次發售。一層。則債票悉數發售。以後設歐洲財政。忽有變動。或直隸江蘇山東三省。有絕大亂事。不得不將鐵路停工。彼時債票。能收回否。平路約能作廢否。平推連合公司之意。無非欲將中國主權。一網打盡。惟恐稍留。開隙。致中國有翻悔地步。布置之密。一至於此。若三省入其羅網。恐終無脫離之一日矣。
(九)於幹路以外。或延長路線。或展造枝路。由督辦大臣與連合公司隨時協商。與中國政府無涉。
第二十四條設有與本鐵路相連之枝路。及接續之路線。查為確有利益。及當必用之時。應由督辦大臣與連合公司隨時協商。
按僅一幹路。已足亡三省。而有餘。若將幹路延長。則北可以達關外。南可以貫蘇杭。其勢力。可以包舉中國之半。若展造枝路。則沿幹路二千餘里。地勢平衍。物產蕃殖。無處無利。益。即無處不可展造。西北造枝路。則接蘆漢。西南造枝路。則接滇越。東北造枝路。則接威海衛。東南造枝路。則接海州。碧眼紫髯之羣。縱橫於江淮河濟之間。占領土之旗。招展於燕吳齊魯之境。而我三省人民。受輻輳之禍。悲號宛轉。而無可如何。此真開關以來。未有之浩劫。可為泣血椎心者也。夫利益云云。則今日之利益。孰有大於鐵路者。必用云云。則今日之必用。孰有過於鐵路者。我既視為利益。為必用。而許之矣。則延長焉。展造焉。誰能拒之。誰能禁之。雖然。使延長展造。而猶有待於我政府之命也。則尙可以限制。乃不意竟視為督辦大臣及連合公司之私事。而絕無一字。及我政府也。嗚呼。此何等事。耶。此督辦何人。耶。非所敢知矣。(未完)

宮門抄

十一月十二日 吏部 翰林院 正黃旗值日 吏部引見八十名 出使大臣官費到京請 安 植公續假二十日 鍾靈請假五日 兵部奏派恭送 金棺 派出官員子薄 掌儀司奏十五日祭 奉先殿薄餉 行禮 召見軍機 會廣 奏 皇太后聖訓 召見軍機 會廣 奏 皇太后聖訓 十一月十三日京電本日 召見軍機

諭旨

十一月十二日奉 上諭楊士驤奏查明本年山東各屬秋禾被災情形懇恩分別蠲緩錢糧一摺山東青城等九十四州縣及收併衛所並鹽場本年陽雨失時秋禾多被淹損沿河一帶被淹村莊若將應徵錢糧照常徵收民力實有未逮如恩著照所請所有被災最重之青城利津二縣永阜一場應徵本年錢糧漕米漕倉應課等項按照單開各州縣村莊地畝分別蠲緩該署撫卹刻刻籌賑黃獨行曉諭務使災民均得毋任更得舞弊用副朝廷軫念民艱至意餘著照所請辦理該部知道單併發欽此

十一月十三日京電本日奉 旨榮昌著賞給副都統銜作為領隊大臣照例馳驛前往欽此

電報

●十二月七號東京來電 日本內閣辭職消息 日本內閣現擬辭職聞伊藤侯爵組織之新內閣可承其乏
●十二月八號柏林來電 德相宣稱 德國首相步爾維特在議院宣稱英德兩國之事現已和平解決且三國聯盟實為有益之事但德國不與他國聯盟亦足自守日本政府與亞東各國締結盟約德政府深為欣幸至德國在山東所施之政策亦無非欲開闢亞東門戶保守和平與英日聯盟同一主義並深望各國駐德使臣之兵於明春撤退現德政府不欲干預俄國之事即摩洛哥問題亦只從衆而已言畢各議員皆鼓掌稱善并謂首相所言實為保護德國和平之要領也
按德相宣稱各節已據倫敦來電譯登昨報今聞柏林來電所述較詳不嫌詳譯更譯一通
●十二月八號倫敦來電 美國議院已決議撥發一千一百萬金元為開鑿巴拿馬運河經費
●俄國官立銀行暫停交易 俄國官立銀行代表人對財政大臣云現在俄國郵政電報均已不通本銀行只得暫停交易
●十二月九號倫敦來電 英大臣亨利君提允許為下議院之領袖而古瑞君不以為然彼意欲以阿司魁斯君為下議院之領袖以亨利君為貴族院之領袖此事又大費周折矣然西米尼提報則謂內閣之事布置甚妥協云
●俄國內亂紀聞 俄國兵士作亂較前尤甚即向稱忠君愛國者亦皆有反動之勢矣

要聞

▲駐美公使電告華工禁約事 外部消息日前接駐美公使兩次來電均為美國華工禁約事第一次電云美政府前曾允認改訂工約刪去苛例而現在議訂之新約除我國官商學生赴美者從優接待外工人仍不在此例等語第二次電云美政府所訂新約已照會本大臣要求簽押 本大臣並未允認現擬竭力磋商改訂完善務請鈞部與駐京美使堅持到底 幸勿允准簽押云云
▲俄使之言 日前俄使璞科第在謁外部各堂聲稱外間傳說俄國將在蒙古新疆等處設立俄國銀行實無其事不惟本大臣未接此項電信即俄政府亦無此議論至謂俄國擬在黑龍江等處交界地方調兵一節尤屬無稽之談幸勿輕聽中使索致曉諭遇有交涉莫不和平商辦 至俄國對待貴國之主義無非欲振興兩國商務將來尙擬重訂商務條約絕無他意云云(寒)

▲粵督請每年認解練兵經費四十萬兩 廣東省前奉派定歲解練兵經費八十五萬兩係就加抽煙酒稅酌提差缺盈餘整頓田房稅契各案內分別指撥現經岑督保確查指撥各款或收數無多或提取已盡或試辦尚無成效幾於全無著落不得已先其所急即在奏准留用之土膏統捐項下勉力分出二十五萬兩連已解十五萬兩共四十萬兩即請作為廣東省認解練兵經費歲額其無著之款請免籌解等語已交練兵處戶部議奏(已)

●滇越鐵路經過州縣請改為衝繁要缺 滇督丁制軍以滇越鐵路現正開辦所有勘路保工緝奸捕匪以及開車以後事務紛雜交涉難均非昔比其經過各州縣非得精明幹練熟悉情形之員不能勝任因奏請將雲南阿迷甯州路南彌勒宜良呈貢河陽江川等八州縣一併改為衝繁要缺由外酌量升調補用以裨地方並聲明鐵路所經尚有安平文山蒙自昆明四縣縣向係調要缺應毋庸議等語已交吏部議奏(已)

●請以廣西慶遠理苗同知移駐五十二峒 廣西地方苗獠雜處巖峒紛環而其荒險難治尤以慶遠府思恩縣屬之五十二峒為最現在軍務粗平籌辦善後亟須酌移官缺因地制宜已由桂撫奏請將慶遠理苗同知移駐五十二峒改為安撫理苗同知控扼邊要藉收治效俟奉准移駐後趕緊籌設學堂以資教育而化愚頑等語已交政務處吏部議奏(已)

本埠新聞

●車站紀事 烟台水師學生二十七名晉京赴練兵處考驗事畢於十三日早車回津暫住長發棧候輪再回烟台
●撫署縣派差在戶部造幣總廠購辦銅圓一千餘箱於十三日由津裝火車分運撫署
●督院幕府院觀察忠樞於十三日早車晉京又鐵路巡警總辦王副戎才由津回榆關
●電話公司添設電杆 現電話公司與義興各國領事官商准在界內安設電杆由與界為子集沿途直達義興各界已於十二日興工
●軍醫學堂月考紀事 本月十二日為軍醫學堂月考之期除生理衛生解剖各課程由總辦監督面試外另有漢文一藝限次日交卷其題為欲得外患先修內政論
●遞解難民 奉省難民男婦三十八名由火車遞送來津已紀昨報茲悉該難民已函達縣署飭派值班差役由官車局妥備大車十二輛遞解靜海縣轉解保定府山東各本籍
●諭查上控案卷 縣尊唐大令昨日傳諭各房將所有上控未結案卷趕緊檢齊開一總單呈送核辦
●飭呈賬據 前有喬保讓控告朱月仙假借債戶圖分資產案經縣尊出示招各債戶來案判明真偽等情在案茲聞前日午堂職員孔利駕提訊投審之各債戶有李鐵孫張盈王成瑞趙益成楊會堂趙子臣張有等七人語言閃爍顯有弊情遂飭各呈賬據註明中以憑澈究

●天津教育界陳列館開辦籌備會簡章 教育界陳列館定於十四日開辦第二次籌備會議事關公益本報願擔義務已代登告白以便周知茲又承送到開辦簡章十二則謹再照登如左
一 本會之設以擴充理科知識為宗旨
一 本會擇星期日舉行每星期一星期講演一次
一 時限自下午二鐘起至四鐘止中間休息十分鐘
一 講演員擬請日本小幡勇治先生擔任化學博物張伯苓先生擔任物理分期講演
一 照料員擬請初級師範學堂監督及各位學董並本館管理員襄助辦理
一 聽講員擬請各小學堂教員本館學生亦可隨班旁聽
一 此次開會之先除出請單知會外仍擬分送試辦簡章及入聽票各一份以後開會僅預出請單
一 聽講員既先期分送入聽票臨時到會須以驗票處之執事學生以便與參觀人有所區別
一 備題名簿一冊自執事主講以至入聽人員均按期注列或未到者不列
一 備登記簿一冊每期講演按類登記以備查考
一 聽講各員宜攜帶小冊以便條記所聞
一 講堂內以整齊嚴肅為主

●戶部整頓關稅 探聞戶部日前會議以現值庫款支絀之時關稅率多虧短亟宜切實整頓以杜弊端擬即照會各省督撫飭令各關卡嚴除積弊逐一詳查改訂征取之法以洗滌習而濟國用
●機器磨麵不准專利 前有商人孫曉卿等籌集股本在京購用機器磨麵具呈商部請准專利若干年旋奉部批云據呈已悉該商擬在京城購設機器磨麵原為便民食起見自可照准惟機器磨麵並非獨創新法且津浦等處試辦已久火車頃刻通載而來該商所請專利應毋庸議
●日使參觀大學再誌 初八日小村內田兩日使遊覽大學一節已紀報端茲聞是日管學大臣孫中堂榮張兩尚書及張監督等均至學堂迎送寒暄之後引導小村內田兩日使及隨員等各至各課堂以及藏書樓住房等一一視察畢然後復至同入客廳公宴先由孫中堂演說歡迎小村大使等語然後賓客各歸寓所
●富強之根本不可一日緩之要政也 朝廷夙有見於此邇來迭降 明詔提倡教育開辦學堂停止科舉期以造就人才振興百政本大臣等承乏管學之任夙夜勵精講究學務冀以副朝廷培養人才之至意無奈榜牘庸材不堪重任責疚寸心幸有貴國教育諸君專心贊助勸導學生以致大學堂有今日之進步昂揚勝於他國當此時事艱難需材孔亟之秋決不敢以一得自矜貴國於教育學務極為發達盡善盡美加以日清兩國均在亞東風俗文字畧同故彼此後進國欲與教育貴國其誰仿行請貴國因善利之誼為敝國學界益有所善導焉孫中堂演說畢即由小村男爵致謝謝管學大臣之優遇曰孫中堂年近古稀猶到學堂歡迎本使實不勝感激乃舉爵為孫中堂壽繼日本使視察貴國學堂深喜貴國學界之進步實有不甘於後者之職由貴大臣等指導之得宜亦實由貴國學界有志向學之所致中日兩國均在亞東為同文同種之國文字相同人情相近故以貴國學生之才品學識較之我國文字不經數月而盡能通曉與西洋語言文字難易之差異不啻雲壤也然敝國士人自維維新後悉心考求泰西新學擇其善者而從之稍有發明雖未足滿意然較泰西諸國信不甚劣故貴國學生如通東文有志向學則求新學使國家富強之實決非難事也演說既畢乃相與舉觴勸飲主賓樂飲盡歡而散
●奏設官錢局 探聞政府以京師錢舖時多倒閉民間受累頗重前雖有順天府奏設之公估局現已停辦亟宜仿照該局辦法於內外城地方奏立官銀錢局參用官造紙幣以維市面而益民日用內即擬入奏矣
●星使歸期紀聞 駐英欽使張載初大臣已屆任滿聞新派汪欽使現已由美抵英以代其任大約張欽使在明春正月准可回京

本省新聞

●農務報出版 省城農務學堂糾合同人開辦農務白話報已於初一日出版每月按期出報兩期云
●添蓋菜廳 刻下省城工巡總局在大慈閣前添蓋菜廳一區所有磚木各料均已運至該處大約日內便可興工
●藩台牌示 北堤二工下汛東安縣主簿莫鈞升署北堤頭工中汛武清縣縣丞遺缺在北河工候補主簿正任通州通流開關官潘錫琮請補密雲縣古北口巡檢陳廣煊病故遺缺以撤回另補從九品彭年請補雷澤縣典史杜景正撤省遺缺委試用典史汪熙光署理雷澤縣典史杜景正撤省遺缺缺委河工試用縣丞陸炳勛署理

[illegible]

各國新聞

◎韓國一進會之宣言 韓國之一進會對於日韓條約之成立發表其所決議如左
以緊密日韓兩國之關係而維持東洋之和平和於永久爲目的故對於日本政府所提出之新條約我皇陛下遠鑑世界之大勢近念國家前途之可決調印是此次我政府之處置得當者實出於陛下一人之聖斷并當局大臣之審察時勢迎機善導之所致我國國民當靜謐遵守之(按此宣言即所謂大日本國民也記者爲之泣然)譯朝日新聞

◎日本內閣議裁報 日本內閣會議裁撤前訂之報律聞已決議不日宣佈 譯上海西報
◎日本美術流行巴黎 日本之美術猶中國易筋經之類頃聞法國巴黎此風大行亦可見西人善師人長也 譯時事新聞

◎日本開女學總會 日本女學會於陽曆十一月二十七日午後一時在會長鍋島侯爵夫人邸內作總會蓋爲該學會成立十週年之紀念也 譯國民新聞
◎美俄交涉 海參崴兵士作亂時焚燬美國駐俄商務委員古瑞君之傢具衣服甚夥現擬查明責令俄員認賠 譯上海太晤士報

◎俄艦開往日本 俄國巡洋艦露西亞號與普羅號包圍泰爾號三艘現由海參崴開往日本長崎停泊 譯上海字林西報
◎俄總督斥革議員 俄國麥斯利省農民代表議員於會議時登台演說頗多搖惑人心之語當由該處總督派人將會中人全行解散并將議員斥革 譯上海字林西報

◎學生被毒 俄國聖彼得堡陸軍軍醫學校於十一月二十九號忽來兵士四隊將該校學生拿獲二百三十名監禁營中 譯上海字林西報
◎俄國內亂彙誌 俄國聖彼得堡 麥斯利 喀爾考夫 倭送薩 瑞噶 利普各省之電報工人以及郵政送信人現均相率罷工滋事 俄國首相威特伯爵解散亂黨不遺餘力現已因勞成疾俄國守舊黨員已允助伯爵辦理亂事 譯上海文匯西報

◎奏議
政務處奏遵議變通守護章程摺
一守護章程內第六節籌備救火器具據載潤等奏此項水龍自應挑取兵役常川設立擬於 各陵左右蟠龍溝以外各建五房三間以便住宿計水槍百枝水桶百担連水龍器具共需二百餘人擬由八旗開散內務府幼丁泰寧鎮兵丁子弟內每處挑補八十名爲水龍隊兵每名每月支餉三兩五錢又擬於原奏水龍二架之外再添一架責令分任演習並擇度無礙風水地方每處開井四眼以裕水源又載瀛等奏擬添水龍四架水槍百枝水桶百担斧鋸等一切皆備請飭直隸總督派員由津購備帶同教習解來揀選壯壯幼丁按日訓練人數多寡

尚難預定俟水龍解到再籌給津貼又擬修理原有井亭井眼挑澇河道溝渠山泉源源接濟似可毋庸另開井眼省籌經費等語查購辦水龍各器具應准如載瀛等所奏咨商直隸督臣即照原奏撥購架數代爲購辦並派員督同水龍用法之員解往以便教令演習惟載瀛等所擬演習水龍隊兵支餉需款過鉅查 西陵原有八旗值班兵丁向係輪值其不值班之日儘可派令操演每月演習三次每次每兵酌給津貼銀一錢以示獎勵無庸專設演習隊兵致滋糜費至載瀛等所請開鑿井眼既在附近 陵寢地方應令審慎辦理載瀛等請修理原有井眼挑澇河道山泉誠恐冬令寒凍難于取水應否添開井眼之處再由該大臣詳酌籌辦所有應支各項銀兩准令隨時奏明由戶部籌給核實請銷 一修工程內第二節刪除萌生草木據載瀛等奏草木黃落均在秋杪所有雜草荆棘擬指派掃除其自生小樹仍由每年清明節 派往數土之王公督同敬謹刪除又載瀛等奏 寶頂已成之松柏不便動移外其餘小樹雜草則分別隨時刪除及每年秋杪指撥掃除仍於次年清明節敬謹刪除等語查載瀛等所奏掃除草木辦法較載瀛等所奏尚爲詳細擬令照載瀛等所奏辦理 一籌生計章程內第四節藥材准其採取據載瀛等奏擬出示曉諭勿傷樹株又載瀛等奏今准採取藥材無不可入內恐別滋弊端紅椿界外土產草藥無多擬免採取等語查 各陵重地地理宜嚴肅既據載瀛等奏紅椿界外產藥無多擬准免採以防弊端併請飭載瀛等一律停止採藥以昭謹恪 一興教育章程內第一節多設滿漢小學堂據載瀛等奏原設清漢學堂二十七處每處每年領銀三十六兩庚子以後停放擬將清漢小學堂併爲六處每處每年均按十八兩支領由廣恩庫籌給漢文小學堂二十五處仍擬一律添設再建立小學堂一處一切課程均照奏定章程辦理所有學務章程各項經費請咨由直隸總督鈔案咨覆奏撥又載瀛等奏設立學堂需費浩繁應酌度情形學堂究應設立幾處等語計需款若干再行奏請籌撥等語查載瀛等所擬保勘原有學堂改設添設惟停辦已久究竟能招學生若干可設學堂幾處應與載瀛等擬設之學堂一併飭令咨商直隸督臣詳細酌核量力改添如經費實在無出亦由該大臣等咨商直隸督臣切實估計由直隸藩庫酌撥撥實請銷總之此次創設新章寬籌經費原令各該官兵等盡心防護免出工程該大臣等務須隨時隨事認真考察勿使良法美意漸成具文致負 朝廷慎重 陵工之至意載瀛等奏請先籌撥購買等經費銀一萬七千五百兩查載瀛等內所開如水龍等項現擬令咨商直隸督臣購辦並工費應俟擇定地方學堂補修各工應俟學堂擬定設立幾處一併再由該大臣等分別奏明咨商支領所請預撥銀兩之處應勿庸議所有議覆緣由謹摺具陳伏乞 皇太后 皇上聖鑒謹 奏光緒三十一年十月二十五日奉 旨依議欽此

●政務處抄摺摘由●
十一月初五日

兵部奏閱慶補都司事奉 旨依議
又奏拔補千把總等缺事奉 旨依議
又奏驛站錢糧報銷事奉 旨知道了
又奏加封寄月摺奉 旨知道了
領侍衛內大臣奏 吉妃金棺奉移請 派散秩大臣恭送事奉 旨派出海年立瑞
十一月初六日
內閣奏謹擬原任大學士裕祿諡號請 欽定事奉 旨圈出
刑部奏訊明北新倉不戒於火值班夫役薛坤等比例定擬事奉 旨依議
又奏審明張玉海毆死妻旺事奉 旨依議

◎文苑
水調歌頭
寄叔同日本
一樹玉關柳。忽忽損年芳。雁聲嘹唳。天末愁思隨蒼茫。憶否旗亭前度。唱遍龍標詩句。攜手上河梁。白眼看餘子。未稱酒人狂。
瀛海外。初日影。麗扶桑。伊藤懷本何物。接翼共飛揚。富士峯頭。雪夜我夢與君。驂駕被髮接鸞皇。君爾一長嘯。塵事等秕糠。

◎小說
黑面塔 (冷譯) (續)
大偵探忽取時辰表視曰。已至十一時矣。盡飽餐。
大偵探乃自腰間解一皮包。內有偵事假臉軟鞋繩鑽刀斧。及幾種不知名之器械。又取油紙一大包。乃牛羊肉乾麵包等類。檢出幾件。與余對食。余格格不能下咽。而大偵探狼吞虎嚥。不一時已了。起身言曰。
我兩人即從此去。
大偵探即衣一身夜行衣。正欲舉步。忽又止顧余曰。
此去十分險惡。我等與盜必有一場劇鬥。我等如何行事。必須預言之。請與君約三章法。君自問可否。
余曰。
敬聽君命。
大偵探曰。
第一事。自入塔後。至畢事。一舉一動。惟余言是聽。
余曰。
諾。
大偵探曰。
第二事。海賊之知覺敏捷。非特不可妄行。亦不可妄言。余以舉手爲號。余右臂舉。則君即緘口無聲。
(未完)

◎本埠進口貨物調查表
泰順輪船十一月初九日由上海進口貨物
英國本色布二百二十疋 白布千疋 紅印花布四百疋
俾路國布二百五十疋 扣布三百二十疋 美國斜紋布五百疋
美國斜紋布五百五十疋 羽絨七百五十疋 細布二百二十九疋
美國粗布四百疋 棉紗六百九十疋 日本棉紗七十八疋
拼絲布三百二十四疋 鐵釘三十六疋 鉛條四百四十疋
竹筴二十三担 鋼砂十五担 竹竿七千四百根
日本紙煙四千五百件 皮蛋三千一百個 火腿十担
蘇三十七担 格物器具五百五十八件 藥材值五十六兩
鮮橄欖三十八担 橘子三十四担 頭號紙百零八担
二號紙百八十二担 招牌三千件 青鹽四十担
腰子六百件 手巾千打 玩物三百六十件
火柴三百二十箱 木料十担 雜貨六十一件

◎本埠進口貨物調查表
日本輪船葉考 (Yuko) 十一月初八日由日本進口貨物
洋布七百七十一疋 棉斜紋布五十疋 棉花十七包
棉紗二百担 粗布二十疋 棉紗七百七十件
銅器三十一件 銅盤八十六件 玻璃瓶二百九十四件
匣紙九十九件 紙煙百二十件 錫九十九件
傢具十件 玩物十一件 玻璃器九十七件
皮子三十六件 玻璃七件 藤四十一件
草蓆三十一件 火柴四百六十三件 火柴匣四十二件
紙千零十一件 醬二十桶 磁器二十四件
簾十八件 海菜三百件 醬油五十桶
雜貨三百六十九件

◎本埠進口貨物調查表
日本輪船喀士瑪 (Kashima) 十一月初六日由阿謀瑞 (Amoy) 進口貨物
木料八千七百七十四件 鐵道七千二百六十六件
廣西輪船十一月初九日由上海進口貨物
煙土三百六十担 美國本色布千疋 英國本色布三百疋
白布百疋 紅印花布五百七十五疋 美國斜紋布六百七十五疋
荷蘭斜紋布五百七十五疋 印花布三百疋 美國印花布七百疋
羽絨百疋 美國粗布三千零六十疋 紅髮髮布六十疋
拼絲布七十七担 拼絲布七担 鐵條十一担
錫盤七十五担 竹筴四十六担 機器值四十七兩
頭號紙七十五担 日本棉紙十二担 鮮橄欖九十六担
橘子五百十担 青鹽十五担 麵粉百八十八担
雜貨二十九件

◎義務告白
本館爲贊助公益起見凡官立民立各學堂以及倡興一切工藝事業利者所登告白概不取資以盡義務
◎開辦機器講義會廣告
啓者本館現奉 總辦周觀察諭開辦機器講義會本月十四日係第二次講義之期延請小橋先生講義生理學
嚴約敏先生通譯是日下午二時開會至四時閉會
各堂教員凡有願入聽者務請帶入聽票於下午一鐘二刻在
本館齊集單到祈
書必到字樣以便備留座位如未書必到字樣臨時入聽者講
堂雖已拓展仍恐地勢狹窄不敷座位恕勿
見責此啓
天津教育品陳列館謹啓

